

Komisaun Ekonomia no Dezenvolvimentu

RELATORIU VIZITA TRABALHO BA ARMAGEN FOÓS IHA BEBORA NO TIBAR

I. Introdusaun

Enkuadramentu Legal

Komisaun Ekonomia no Dezenvolvimentu, Parlamentu Nasional halao knar fiskalizasaun bazeia ba artº. 92º, artº. 95º, n.º 3 alínea e), kombinadu ho artº. 145º n.º 3) husi Konstituisaun RDTL, no mos bazeia ba artº. 35º alínea c), kominadu ho artº. 79º Alínea f) husi Rejimentu Parlamentu Nasional.

Vizita neébe bazeia ba informasaun neébe mak espalha iha media sosial konaba foós neébe áat barak iha armagen governo hanesan armagen Bebora no armagen Tibar iha loron sexta-feira, 11 de janeiro 2019 hodi buka hatene veracidade ba informasaun nebe hetan.

II. Rezultadu Vizita

2.1. Informasaun husi Diretor Centro Logistic Nacional kona ba Armagen Bebora

Delegasaun rona informasaun husi Diretur CLN (Centro Logistic Nacional) konaba stok harre kulit iha armagem Bebora katak:

- Armagen Bebora iha stok hare kulit hamutuk 1600 toneladas. Hafoin hasai 1000 toneladas ba dulas sai ba foós no rai iha armagen Tibar. Restu 600 toneladas kualidade ladun diak tambá rai keleur ona liu kuaze tinan 2 ou tinan 3.
- Fos nebe iha ho kondisaun diak hodi atende ba merenda escolar, desastre naturais no pedido particular ruma hanesan husi konvensoins regilioja balun. No iha harre balun ho kualidade la diak halo aquisasaun hodi tau iha kategoria sasan neébe stragus.
- Harre nebe iha armagen kahur malu entre harre kulit bokar no kulit lotuk tambá prosesu sosa harre kulit laos husi agricultor no produto ida deit. Ho nune iha prosesu dulas ho resultado harre nebe bokar kuandu dulas nia rahun ou tohar no harre nebe lotuk sai fos. Tan kondisaun fos nebe rahun no uut hamosu informasaun iha publik katak fos nebe governo sosa ne at hotu. Ho razaun ne mak husu ba Ministério Agricultura atu tau importância ba kualidade fini harre nebe atu distribui ba agricultor sira.
- Laos deit kualidade harre mak sai problema ba CLN maibe kondisaun armagen Bebora nebe mai keda husi tempu Indonesia mos la apropriado ona atu rai harre tan armagem sai fali fatin ba animal hanesan

Komisaun Ekonomia no Dezenvolvimentu

laho ho manu lin ba buka hahan. Maibe iha tinan 2019 MTCI liu husi CLN hamutuk ho parseiro husi JICA atu rehabilita armagen Bebora no armagen Maliana

- Iha mos kooperasaun MTCI ho Governo China atu ajuda orçamento hodi halo konstrusaun armagen regional Baucau ho Natarbora (Manatuto), nebe sei halo lançamento iha fin fulan junho ou inicio fulan julho 2019
- Agora dadaun governo iha ona armagen foun nebe localiza iha Tibar ho estândar internasional.
- Iha tinan 2018 CLN labele dulas harre kulit nebe sosa iha tinan 2017 tambá orsamento laiha hodi selu kompanhia neébe mak dulas.
- Dadus husi CLN kona ba intervensaun governo liu husi fan fos hamutuk 800 sakas nebe fos local 400 sakas ho kuantidade 25 kg ho presu \$ 9.50 no fos importasaun 400 sakas ho kuantidade 25 kg ho presu \$11.00. Intervensaun ne baseia ba pedido husi autoridade local bainhira presu fos sae makas.
- Iha tinan 2018 halo ona intervensaun direta faán foós hamutuk 800 sakas: foós lokal hamutuk 400 sakas ho kuantidade 25 kg ho presu \$ 9.50, Foós importasaun hamutuk 400 sakas ho kuantidade 25kg ho presu \$11.00 no baseia ba pedidu neébe mai husi autoridade lokal sira. Ezemplo mak intervensaun ba Posto Administrativo Fatumea Municipio Covalima nebe foin halao.
- Tuir planu iha tinan 2020 sei reativa fali mini mercado iha município ka posto hodi bele atende necessidade populasaun lais liu.
- Ministério mos nia plano ba futuru sei la uza ka tau fos iha karon maibe tau iha silu tambá bele hadia kualidade no temperatura diak mesmu rai kleur.



PARLAMENTO
NACIONAL
República Democrática de Timor-Leste

Komisaun Ekonomia no Dezenvolvimentu



Vizita Armagen rai harre kulit iha Bebora, (11/01/2019)



PARLAMENTO
NACIONAL
República Democrática de Timor-Leste

Komisaun Ekonomia no Dezenvolvimentu





PARLAMENTO
NACIONAL
República Democrática de Timor-Leste

Komisaun Ekonomia no Dezenvolvimentu



Kondisaun armagen rai harre kulit iha armagen Bebora la dun diak tamba okupasaun iha tempu Indonesia nian (11/01/2019)

2.2. Informasaun husi Presidente Centro Logistic Nacional iha armagen Tibar

Delegasaun mos hetan informasaun husi Presidente CLN kona ba stok foós iha armagen Tibar.

Armagen Tibar iha 3 mak hanesan: armagen 01, 02 no 03

Armagen 01 tau foós neébe mak dulas ona.

Komisaun Ekonomia no Dezenvolvimentu

1. Stok foós local Promorio hamutuk 379.605 toneladas ou 14.457 sacas
2. Stok harre kulit 1.548,45 toneladas
 - Harre kulit nebeé mak iha 1.500 toneladas husi tinan 2017, no iha fulan Outubro no Novembro dulas ona, no agora dadaun labele kontinua dulas tamba uja orsamento duadessimo nebe la suficiente hodi kontinua kontrata kompanhia nebe durante ne dulas harre kulit
 - Foós ikis nebe iha faán ho presu \$ 5/sakas
 - Tuir planu orsamento 2019 atu sosa tan 40.000 toneladas fos importasaun no harre kulit lokal
 - Iha tempu badak MSS sei foti 1000 toneladas atu distribui ba dezastre naturais iha Municipio Baucau Posto Administrativo Baguia-Quelecai, ho kombinasau foós local 400 toneladas no foós importasaum 600 toneladas
 - Iha tinan ida ne mos CLN sei apoiu Merenda Eskolar hamutuk 1.500 toneladas / 600 sakas mai husi fos nebe sosa iha tinan 2017
 - Tuir Diretor CLN katak loron hira liu ba simu informasaun husi autoridade Municipiu Covalima posto Administrativo Fohorem katak foós saka 1 ho nia kuantidade 25kg nia presu \$ 16- \$ 20, no iha Munisipiu Manatuto posto Administrativo Laclo ho presu \$16 /sakas. Baseia ba ida ne mak CLN ba halo intervensaun direta.
 - Intervensaun merkadu direta nebe CLN halo baseia ba pedido husi autoridade lokal sira. Esperensia bainhira la tuir pedido dala barak ema nebe atu sosa menus tan laiha informasaun antes, hodi nune populasaun bele prepara osan.
 - Intervensaun indireta (husi Empresario sira) la uza ona tan empresário sira hakarak hetan lukru, entaun sira nunca lori fos to iha município ka posto ka suco nebe populasaun hakarak sosa ho razaun estrada at. Ezemplo maka Municipio Covalima halo pedido, maibe empresário sira toó deit iha Ainaro depois maka komunidade sira mai sosa.
 - Husi intervensaun nebe CLN halo bele hatama reseita ba kofre estado iha fulan Janeiro – Outobro 2018 hamutuk \$ 999,860.60.



PARLAMENTO
NACIONAL
República Democrática de Timor-Leste

Komisaun Ekonomia no Dezenvolvimentu



Visita Armagen rai foós Estado nian iha armagen 01 Tibar (11/01/2019)

Komisaun Ekonomia no Dezenvolvimentu



(Visita Armagen rai foós iha 03 Tibar no makina dulas harre neébe lao hela 11/01/2019)

- Iha armagen 02 sei mamuk no armagen nia kapasidade 8000 toó 20.000 toneladas
- Iha armagen 03 tau foós importasaun
- Stok foós 1.625,25 toneladas / 6.506,1 sacas
- Kondisaun moru iha armagen Tibar foin dadaun udan boot sobu tia moru quase 30 metro no agora dadaun moru neé didin hela ho kalen.

Komisaun Ekonomia no Dezenvolvimentu

2.3. Dasafios/Problemas

- Desafios sira ne'ebé CLN sira hasoru iha sira nia servisu lor-loron kuaze hanesan tinan hira ne maka la iha transporte no la iha orsamentu operacional hodi facilita sira nia servisu hanesan monitorizasaun no sensibilizasaun iha terenu. Nune mos koondisaun moru iha armagen Tibar foin dadaun udan boot sobu ka estraga kuaze 30 metro no to agora sidauk hadia fali hodi nune didin deit ho kalen hodi antisipa karau ka bibi tama.



(hare kondisaun moro nebe mak mota sobu quase 30 metro no didin hela ho kalen (11/01/2019)

Komisaun Ekonomia no Dezenvolvimentu

III. Rekomendasaun

- a. Husu ba Ministériu Turismo, Comercio e Industria atu facilita transporte ba CLN hodi bele distribui foós ba área rural tan transporte nebe agora iha ho kondisaun at makas
- b. Husu ba ministério kompetente atu tau atensaun ba foós neébe rai kleur iha armagen hodi halo distribuisaun ka intervensaun antes fos sai at
- c. Husu ba ministériu kompetente atu koordena ho autoridade local no kompanhia local hodi halo ditribuisaun fóos toó iha terenu
- d. Husu ba ministériu kompetente tau iha konsiderasaun hadia moru Tibar neébe mak mota sobu tia quase 30 metros.
- e. Husu ba ministériu kompetente atu kontinua monitoriza no akompanha nafatin presu no kuantidade foós iha merkadu hodi nuneé bele halo intervensaun mais rápido ba komunidade nebe maka precisa.

IV. Aprovasaun

Relatório ne'e, hetan ona aprovasaun liu husi reunião ordinariu Komisaun nian ne'ebé realiza iha loron 04 fulan Marsu 2019, Oras 16h00 OTL, iha sala Komisaun D Parlamentu Nasional. Prosesu aprovasaun hetan partisipasaun husi membrus Komisaun nain lima (5) ho rezultadu aprovasaun a Favor 5(lima), Kontra 0 (Zero), no Abstensaun 0 (Zero). Ho nune'e relatoriu vizita ba Armagen rai foos iha Bebora no Tibar aprovadu.

Prezidente Komisaun

Relator

Deputada Virgínia Ana Belo

Deputadu Alexandrino C.da Cruz